

## Rundinella

Massimo Ranieri

Tutte ll'amice mieje sanno ca tuorne...  
ca si' partuta e no ca mm'hê lassato...  
só' già tre ghiurne...  
Nisciuno 'nfin'a mo s'è 'mmagginato  
ca tu, crisciuta 'ncopp''o core mio,  
mm'hê ditto: addio!

E torna rundinella...  
torna a stu nido mo ch'è primmavera...  
i' lasso 'a porta aperta quanno è 'a sera  
speranno 'e te truvá  
vicino a me...

Vulanno pe' cittá nove e stramane,  
tu no, nun puó sapé che te ne vène  
oggi o dimane...  
E si nun truove maje chi te vò' bene  
quanto te ne vogl'io  
ll'amice 'o ssanno  
che faje vulanno?

E torna rundinella...  
torna a stu nido mo ch'è primmavera...  
i' lasso 'a porta aperta quanno è 'a sera  
speranno 'e te truvá  
vicino a me...

Torna! Ll'amice mieje sanno ca tuorne...  
Tutte se só' 'nfurmate e a tutte dico:  
"Dint'a sti juorne!"  
Uno sultanto, era 'o cchiù buono amico,  
nun ll'aggio visto e nun c'è cchiù venuto...  
fosse partuto?...

E torna rundinella...  
torna a stu nido mo ch'è primmavera...  
i' lasso 'a porta aperta quanno è 'a sera  
speranno 'e te truvá  
vicino a me...